

ლანჩხუთის მუნიციპალიტეტის საკრებულოს
ფრაქცია „ქართული ოცნება–მრეწველები“
სხდომის ოქმი №1

ქ.ლანჩხუთი

21.01.2020 წელი
17:00 საათი

სხდომას ესწრებოდა: ფრაქცია „ქართული ოცნება–მრეწველები“ თავმჯდომარე სპარტაკ კვაჭაძე. ფრაქციის წევრები: ამირან ქანთარია, ზურაბ კუკულავა ელისო ჭიჭინაძე.

ფრაქციის თავმჯდომარემ, სპარტაკ კვაჭაძემ სხდომას გააცნო დღის წესრიგის პროექტი:

1. „ლანჩხუთის მუნიციპალიტეტის 2020 წლის ბიუჯეტიდან სოციალური დახმარების გაცემისა და მიღების წესის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტის განხილვის თაობაზე

/მომხსენებელი: სპარტაკ კვაჭაძე /

2. „ლანჩხუთის მუნიციპალიტეტის 2020 წლის სოციალური პროგრამების დამტკიცების შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვის თაობაზე.

/მომხსენებელი: სპარტაკ კვაჭაძე /

3. ლანჩხუთის მუნიციპალიტეტის 2020 წლის სოციალურ-კულტურული ღონისძიებების - განათლების ხელშეწყობის, კულტურის ღონისძიებების, სპორტული ღონისძიებების და ახალგაზრდობის მხარდაჭერის პროგრამებიდან დაფინანსების მიზნით გამოყოფილი თანხის გაცემის წესის დამტკიცების შესახებ“ ლანჩხუთის მუნიციპალიტეტის საკრებულოს 2019 წლის 30 იანვრის N2 დადგენილებაში ცვლილების შეტანის თაობაზე“

/მომხსენებელი: სპარტაკ კვაჭაძე /

4. ლანჩხუთის მუნიციპალიტეტის 2020 წლის ბიუჯეტით განსაზღვრული - განათლების ხელშეწყობის; კულტურის ღონისძიებების; სპორტული ღონისძიებების და ახალგაზრდობის მხარდაჭერის პროგრამების დამტკიცების შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვის თაობაზე.

/მომხსენებელი: სპარტაკ კვაჭაძე /

5. სხვადასხვა საკითხები.

**ფრაქციის თავმჯდომარემ სპარტაკ კვაჭაძემ კენჭი უყარა დღის წესრიგის პროექტს:
მომხრე 4, წინააღმდეგი არცერთი.**

დღის წესრიგის პირველ საკითხზე: „ლანჩხუთის მუნიციპალიტეტის 2020 წლის ბიუჯეტიდან სოციალური დახმარების გაცემისა და მიღების წესის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტი კომისიას გააცნო სხდომის თავმჯდომარემ, სპარტაკ კვაჭაძემ მან აღნიშნა, რომ ლანჩხუთის მუნიციპალიტეტის მოსახლეობის სოციალური დახმარების დანიშვნისა და გაცემის ორგანიზებას უზრუნველყოფს ლანჩხუთის მუნიციპალიტეტის მერიის სოციალური და ჯანდაცვის სამსახური. წინამდებარე წესი აწესრიგებს ლანჩხუთის მუნიციპალიტეტის 2020 წლის ბიუჯეტიდან „სოციალური დაცვის“ მუხლში გათვალისწინებული სოციალური დახმარებების დანიშვნასთან და გაცემასთან დაკავშირებულ ურთიერთობებს, განსაზღვრავს სოციალური დახმარებების დანიშვნასა და გაცემაზე უფლებამოსილ უწყებას, რომელიცაა მერიის სოციალური და ჯანდაცვის სამსახური; ადგენს სოციალური დახმარების სახეებს, მათი დანიშვნისა და გაცემის ძირითად სახელმძღვანელო პრინციპებს. დახმარებების გაცემა ხდება შესაბამისი დოკუმენტაციის წარდგენის საფუძველზე. აღნიშნა, რომ სამკურნალო და საოპერაციო ხარჯების პროგრამაში შენიშვნის სახითაა წარმოდგენილი განსაკუთრებული შემთხვევები. კერძოდ, გადაუდებელი სასწრაფო-სამედიცინო ოპერაციების, სასწრაფო-სამედიცინო კვლევების დაფინანსება, ასევე არაპროგრამული რეფერალური მომსახურება უნაღდო ანგარიშსწორებით, რომელიც არ ჯდება მერიის დაფინანსების პროგრამაში, მერის ინდივიდუალური ადმინისტრაციული სამართლებრივი აქტით შესაძლებელია განხორციელდეს სარეიტინგო ქულის წარმოდგენის გარეშე.

ფრაქციის წევრების თქმით აუცილებელია გამოიყოს თანხები მძიმე დაავადებების სამკურნალოდ კერძოდ:

1. თერაპიული.
 2. კარდიოლოგიური (მიოკარდიუმის ინფარქტი), გულის უკმარისობა მძიმე ფორმა
 3. ნევროლოგიური (იშემიური და ჰემორაგიული ინსულტი) (კარდიალური ასთმით), (წინა გულების ფიბრილაციით),
 4. მძიმე რევმატოლოგიური დაავადებები (რევმატოიდული ართრიტი, წითელი მგლურა)
 5. სასუნთქი გზების დაავადებები, ბრონქული ასთმა (ჰორმონდამოკიდებული)
- აქვე აღნიშნეს , რომ ზემოაღნიშნულ შემთხვევაში აუცილებელია წარმოსადგენ დოკუმენტაციას თან ახლდეს ადმინისტრაციულ ერთეულში მერის წარმომადგენლისა და საკრებულოს წევრის შუამდგომლობა.

პროექტი მიღებული იქნა შენიშვნების გათვალისწინებით.

**ფრაქციის თავმჯდომარემ სპარტაკ კვაჭაძემ კენჭი უყარა აღნიშნულ საკითხს:
მომხრე 4, წინააღმდეგი არცერთი.**

დღის წესრიგის მეორე საკითხზე: ფრაქციის თავმჯდომარემ, სპარტაკ კვაჭაძემ ისაუბრა „ლანჩხუთის მუნიციპალიტეტის 2020 წლის სოციალური პროგრამების დამტკიცების შესახებ“ ლანჩხუთის მუნიციპალიტეტის საკრებულოს განკარგულების პროექტი კომისიას გააცნო სხდომის თავმჯდომარემ მან აღნიშნა, რომ ლანჩხუთის მუნიციპალიტეტის 2020 წლის სოციალური პროგრამების პროექტში, სულ წარმოდგენილია 17 სოციალური პროგრამა. ესენია: მზრუნველობამოკლებულთა უფასო კვებით უზრუნველყოფის პროგრამა; მრავალშვილიანი ოჯახების დახმარების პროგრამა; მძიმე საცხოვრებელ პირობებში მყოფი

ოჯახების დროებითი თავშესაფრით უზრუნველყოფის პროგრამა; ომის მონაწილე ვეტერანებისა და მათი ოჯახების დახმარების პროგრამა; მოსწავლეთა ტრანსპორტირების პროგრამა; ცენტრ „იანანას“ თანადაფინანსების პროგრამა; ბიკარბონატული ჰემოდიალიზით-თირკმლის ქრონიკული უკმარისობით დაავადებულთა სამედიცინო დაწესებულებაში ტრანსპორტირების პროგრამა; იძულებით გადაადგილებულ პირთა დახმარების პროგრამა; სამკურნალო და საოპერაციო ხარჯებით დახმარების პროგრამა; მძიმე საცხოვრებელ პირობებში, უბედური შემთხვევისა და სტიქიური მოვლენების შედეგად დაზარალებული ოჯახებისათვის ერთჯერადი დახმარების პროგრამა; ლანჩხუთის რეგიონალური ორგანიზაციის „გამარჯვებულ ქალთა კლუბის“ სარეაბილიტაციო პროგრამა ძუძუს კიბოს დიაგნოზით ნაოპერაციები ქალებისათვის; ხანდაზმულ (100 და მეტი წლის ასაკის) პირთა დახმარების პროგრამა; უპატრონო მიცვალებულთა სარიტუალო მომსახურების პროგრამა; ერთჯერადი სოციალური (ფულადი) დახმარების პროგრამა; მედიკამენტების შეძენაზე დახმარების პროგრამა; შშმ პირის სტატუსის მქონე ბენეფიციართა სარეაბილიტაციო კურსის დაფინანსების პროგრამა, შშმ პირის სტატუსის მქონე ბავშვების ტრანსპორტირების დაფინანსება რომლებიც ჩართული არიან რეაბილიტაცია-აბილიტაციის პროგრამაში.

პროექტი მიღებული იქნა შენიშვნების გარეშე.

თავმჯდომარემ სპარტაკ კვაჭაძემ კენჭი უყარა აღნიშნულ საკითხს:

მომხრე 4, წინააღმდეგი არცერთი.

დღის წესრიგის მესამე საკითხი „ლანჩხუთის მუნიციპალიტეტის 2020 წლის სოციალურ-კულტურული ღონისძიებების-განათლების ხელშეწყობის, კულტურის ღონისძიებების, სპორტული ღონისძიების და ახალგაზრდობის მხარდაჭერის პროგრამების დამტკიცების შესახებ“ ლანჩხუთის მუნიციპალიტეტის საკრებულოს განკარგულების პროექტი კომისიას გააცნო სხდომის თავმჯდომარემ სპარტაკ კვაჭაძემ მან აღნიშნა, რომ ლანჩხუთის მუნიციპალიტეტის მერიის განათლების, კულტურის, სპორტისა და ახალგაზრდულ საქმეთა სამსახურის მიერ წარმოდგენილია სულ 4 პროგრამა და 15 ქვეპროგრამა.

ეს პროგრამებია:

განათლების ხელშეწყობის პროგრამა, რომელშიც შედის შემდეგი ქვეპროგრამები; ინტელექტუალური და შემეცნებითი პროექტების თანადაფინანსება, განათლების სფეროში მოღვაწე წარმატებული ადამიანების წახალისება და ტრანსპორტირება.

კულტურული ღონისძიებების პროგრამა, და მასში შემავალი ქვეპროგრამები: კულტურული ღონისძიებების ორგანიზება, კულტურისა და ხელოვნების სფეროში მოღვაწე წარმატებული ადამიანებისა და შემოქმედებითი კოლექტივების წახალისება, ტრანსპორტირებით დახმარება, კულტურული მემკვიდრეობის დაცვა და შენარჩუნება, კულტურული პროექტების თანადაფინანსება.

სპორტული ღონისძიებების პროგრამა, საჩუქრების და პრიზების შეძენა, წარმატებული, ახალგაზრდა, ვეტერანი და ღვაწლმოსილი სპორტსმენებისა და მწვრთნელების წახალისება, ახალგაზრდული სპორტული ტურნირების მხარდაჭერა, სასკოლო სპორტული ოლიმპიადის და სპორტი ბარიერების გარეშე ჩატარება და ტრანსპორტირებით მხარდაჭერის ქვეპროგრამები.

ახალგაზრდობის მხარდაჭერის პროგრამა ახალგაზრდული პროექტების თანადაფინანსებისა და შ.შ.მ. ახალგაზრდების საზოგადოებაში ინტეგრაციის პროგრამები.

პროექტი მიღებული იქნა შენიშვნების გარეშე.

თავმჯდომარემ სპარტაკ კვაჭაძემ კენჭი უყარა აღნიშნულ საკითხს:
მომხრე 4, წინააღმდეგი არცერთი.

დღის წესრიგის მეოთხე საკითხი „ლანჩხუთის მუნიციპალიტეტის 2020 წლის სოციალურ-კულტურული ღონისძიებების-განათლების ხელშეწყობის, კულტურის ღონისძიებების, სპორტული ღონისძიებების და ახალგაზრდობის მხარდაჭერის პროგრამებიდან დაფინანსების მიზნით გამოყოფილი თანხის გაცემის წესის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტი კომისიას გააცნო სხდომის თავმჯდომარემ ალექსანდრე მახათაძემ. მან აღნიშნა, რომ წარმოდგენილი წესი არეგულირებს ლანჩხუთის მუნიციპალიტეტის ბიუჯეტის სოციალურ-კულტურული ღონისძიებების - განათლების ხელშეწყობის, კულტურის ღონისძიებების, სპორტული ღონისძიებების და ახალგაზრდობის მხარდაჭერის პროგრამების, დაფინანსების მიზნით გამოყოფილი თანხიდან განათლების, კულტურის და სპორტის სფეროში მოღვაწე წარმატებული ადამიანების დაჯილდოების, ინტელექტუალურ-შემეცნებითი, კულტურული და ახალგაზრდული პროექტების თანადაფინანსების წესს.

წარმოდგენილ დადგენილების პროექტთან ფრაქციის კომისიის წევრების მიერ შენიშვნები არ გამოთქმულა.


პროექტი მიღებული იქნა შენიშვნების გარეშე.

თავმჯდომარემ სპარტაკ კვაჭაძემ კენჭი უყარა აღნიშნულ საკითხს:
მომხრე 4, წინააღმდეგი არცერთი.

5. სხვადასხვა: ფრაქციის თავმჯდომარის სპარტაკ კვაჭაძის განცხადებით აუცილებელია ხელფასების მოწესრიგება კომისიის და ფრაქციის თავმჯდომარეებისთვის, ასევე ყველა რანგის სპეციალისტისთვის.

ამით ფრაქციამ მუშაობა დაასრულა.



ლანჩხუთის მუნიციპალიტეტის საკრებულოს
ფრაქცია „ქართული ოცნება-მრეწველების“
თავმჯდომარე:



სპარტაკ კვაჭაძე

ლანჩხუთის მუნიციპალიტეტის საკრებულოს ფრაქცია „ქართული ოცნება-
მრეწველები“ წევრთა დასწრების სარეგისტრაციო ფურცელი

21 იანვარი 2020 წელი
17:00 საათი

№	სახელი, გვარი	გამოცხადების დრო	ხელმოწერა
1	სპარტაკ კვაჭაძე	17 00	
2	ზურაბ კუკულავა	17 00	ზ. კუკულავა
3	ამირან ქანთარია	17 00	
4	ელისო ჭიჭინაძე	17 00	